

**Seni Preseten
Dieter F. Uchtdorf**

Aruemonun Chon Aninis
non ewe Aewin Presetensi



Amasoua ewe Fonufan ren Tongen Kraist

Nupwen sia ekieki usun Krisimas, fan chommong sia ekieki usun ach awora me etiwa niffang. Niffang mi tongeni eu kinikinin auchean ureni, nge ra pwan tongeni erikikich seni asamonun ewe fansoun me erikikich seni ach apwapwaiti uputiwen ach Chon Amanau non napanapoch.

Ua sinei seni pwisin manaei pwe ekkewe ranin Kirisimas ua fakkun chechemeni ekkewe ir ra minen netipeteki-son. Ekkewe niffangen nekukuni mi wesen tekisason mei ren napanapan ikenai. Fan ekkoch ua angei echo soch are ekkoch tepukuro are sitokin mi tete pwangan. Ua chechemeni eu fansoun Kirisimas nupwen pwi we a fang ngeniei efoch sar a fori minen ira.

Ese namwot niffang mi mommong pwe Kirisimas epwe napanapoch. Ua chechemeni eu tutunap seni Elter Glen L. Rudd, minne a emon chok chon angang ren Ekkewe Fik seni 1987 ngeni 1992. Fan eu ran me mwen Kirisimas fitu ier me nom, nupwen a nemeni eu imwenin isoisen pisop, a kaeo seni emon souemwenin fan usun eu famini mi osupwang ra keran feito ngeni nenier. Nupwen a feino churir non imwer mei kukkun, a kuna emon fefin ese wor punuwan ren fomon semerit mi kukkun seni 10 ierer.

Namwoten ewe famini mi fakkun watte minne ewe in ese tongeni kamo okasi are niffang fan iten noun kewe semirit non ena fansoun Kirisimas—ese mo pwan tongeni kamo efoch iran Kirisimas. Pwiich Rudd a poraus fengen me ewe famini me a kaeo pwe ekkewe unumon nengin repwe fakkun sani eu nengio ika eu niosun maan. Nupwen a eisini ewe at mi onu ierin met a mochen,

ewe kukkun at mei echik a apasa, “Upwe sani eu sipean oatmeal.”

Pwiich Rudd a pwon ngeni ewe kukkun at anan oatmeal me naman pwan och metoch. Mwirin a feino ngeni an ewe pisop nenien isoisen me a ochufengeni och mongo me pwan ekkoch pisek pwe epwe awora ngeni namwoten ewe famini.

Nesesorewe chok emon Souneng a fang ngeni 50 chana “fan iten emon mi namwot aninis.” Ren ena moni, Pwiich Rudd a uffofa noun kewe unumon semirit me ra feino soppin fan iten Kirisimas—noun kewe semerit ra fini ekkewe pisekin urumot fan iten ekkewe semirit.

Mwirin a amasoua ewe chitosa ren mongo, uf, niffang, efoch iran Kirisimas, pwan ekkoch pisekin eninga, ekkewe chon Rudd ra saa ngeni imwen ewe famini. Ikenaei ra anisi ewe in me noun kewe semirit ne eninga ewe ira. Mwirin ra isettiw ekkewe niffang fan ewe ira ra awora ngeni ewe kukkun at eu tukutuken oatmeal mi watte.

Ewe in a kechiw, ekkewe semirit ra pwapwa, ewe ir meinisin ra konu echo konen Kirisimas. Non ewe neku-nion ekkewe famini Rudd ra chufegnenei mongo, ra apasa ar kinisou ngeni Kot ar ra togeni wounau ekis pwapwan krisimas ngeni pwan eu famili mei anisi eu kukkun at mi ngeni eu sepien oatmeal.¹

Kraist me ewe Ngunun Niffang

Kopwe ekieki usun ewe napanap mi mecheres nge sufon minne Semach won Nang a finata epwe asamonu uputiwen Noun we At. Won ewe pwin mei pin, chon nang

rese pwa ngeni ekkewe mi pisekisek nge ra pwa ngeni ekkewe chon maasa siip. Ewe monokon Kraist ese uputiw non eu imw watte nge non eu imwen maan. Ese ufeni ufen sinik nge non pwan och sokkun uf.

Mecheresin ena akkaewin Kirisimas a eu minen awe-wen manauen ewe Chon Amanau. Ina mo A fori ewe fonufan, a fetan fein non ningan, me a ukkuta won peniefichin ewe Sam, A feito fonufan pwe emon mi namwot aninis. Manauan mi eu awewen pungoch, me A fetan nein ekkewe mi osupwang, ekkewe mi samau, ekkewe mi osukosuk, me ekkewe ir mi weires fan oser mi chou.

Ina mo A emon king, Ese afanni sufon seni aramas are pisekisekin aramas. Manauan, An kapas, me fofforun iteitan ran mi awewe sufon fiti foffor mi mecheres.

Jises ewe Kraist, minne a sineinap ifa usun epwe niffang, a isetta ewe nenien appirun niffang. Ngeni ekkewe ir minne netiper mi chou ren mefien anaemon me osukosuk, A awora tong me kinamwe. Ngeni ekkewe ir minne inisir me tupuwer mi osukosuk ren samau me riaffou, A awora tong me chikar. Ngeni ekkewe ir minne ngunur mi chou ren tipis, A awora epinukunuk, omusomus, me ngaseno.

Ika ewe Chon Amanau a nom neich ikenai, sipwe kuna I ia A nom ian iteitan—a churi ekkewe mi mosonon, ekkewe mi osukosuk, ekkewe mi tipetekison, ekkewe mi weires, me ekkewe mi osupwang ngunur. Non ei fansoun Kirisimas me iteitan, amo sipwe niffang ngeni I me ren ach tong usun I a tong. Amo sipwe chechemeni tipetekisonun sufonun uputiwan, an kewe niffang, me manauan. Me amo kich, seni fofforun kirokiroch, tong ennet, me kinamwe, sipwe amasoua ewe fonufan ren saramen An tong me manamanen chikar.

ESINESIN

1. Nengeni Glen L. Rudd, *Pure Religion: Ewe Porous ren an Mwichifen Aninis seni 1930* (1995), 352–53; pwan nengeni Glen L. Rudd, “Eu Sipe-ien Oatmeal,” *Taropwen porousen Michifen*, Dec. 2, 2006, 16.

AFANAFAN SENI EI PORAUS

Preseten Uchtdorf a aitikich pwe sipwe tapweno an ewe Chon Amanau kokkoten niffang. Kopwe ekiakin om kopwe tingorei ekkewe aramas ka churi pwe repwe apasa eu niffang ewe Chon Amanau a ngeniir, me oupwe poraus won ifa usun ra tongeni aea ena niffang ne angang ngeni ekkoch aramas. Ren awewe, ika emon

chon mwichefen a feioch ren an kao kon, a tongeni feino kon ngeni ekkoch chon orun. En mi tongeni apasa omw mochen fotopukutiw non iotek ren ekkewe ir ka churi, kopwe tingor ren pwaratan minne niffang oupwe awora, ifa usun oupwe awora, me ren io. Kopwe anneasosichi pwarata ka angei.

SERAFO

Kao seni Manauen Ekkoch

Preseten Uchtdorf a poraus seni pwisin manauan nu-pwen a aiti pwe “ekewe ranin Kirisimas ua fakkun chechemeni mi ekkewe ir ra minen netipetekison.” Sia tongeni kao chommong seni ekkewe ir mi watte seni kich; chommong aramas watte ra manau non fansoun maun, ese wor angang, samau, are pwan ekkoch sossot. Kopwe tingorei ekkewe chinnap chon om wart are pranch pwe repwe erenuk usun ar fansoun Kirisimas mi fakkun auchea ngeniir. Ka tongeni makketiw porauser. Kopwe achocho ne kao seni ar nenien appiru me ren om achocho ei Kirisimas ne awora angang seni netipom me kopwe chechemeni ewe Chon Amanau.

SEMIRIT

Niffang seni Jises Kraist

Ekkoch aramas ra aea efoch iran Kirisimas ne apwawaiti uputiwen Jises Kraist. Fan ekkoch aramas ra isettiw ar niffang ngeni ekkoch fan ewe ira. Menni niffang ewe Chon Amanau a ngonuk? Kopwe chunganani efoch iran Kirisimas ren nimu niffang fan. Kopwe anneani ekkewe wokisin fan me kopwe paeniti non eu niffang ren eu me eu wokisin. Ka tongeni pwan niffang ngeni Jises me ren om kutta och napanap ne annisi ekkoch aramas.

Konupin 33:6

John 14:27

John 15:9

2 Nifai 2:8

3 Nifai 15:9



Nuku, Famini, Aninis

An Jises Kraist Misin seni Nang: Noun ewe Kingen Kinamwe

Anneaochu me ikiotek usun ekkei mettoch me kutta met kopwe aporaus. Ifa usun om uweiti usun manauan me angangen ewe Chon Amanau epwe tongeni anapano om nuku non I me efeiochu ekkewe aramas ka kan tumunu non om angangen an fefin chon amwa? Ren pwan ekkoch poraus, kopwe nengeni reliefsociety.lds.org.

Lei eu kinikin non fitu seni Poraus seni An Fefin Chon Amwa mi porausen kinikinin angangen ewe Chon Amanau.

"Ewe Chon Amanau i ewe po-pun ennetin kinamwe," Elder Quentin L. Cook seni ewe Mwichen Engon me Ruemon Apostel a apasa. "Pokiten an ewe Chon Amanau we Achasefan me An chen, manau wenewen epwe niwinin ren pwisin kinamwe."¹ Ach weweiti pwe Jises Kraist I Noun ewe Kingen Kinamwe a tongeni anisikich ne kuna kinamwen ngunuch me awatteno ach nuku non I.

Jises Kraist a apasa: "Ua fen apasa ngeni kemi ei pun epwe wor kinamwe remi ren ami chiechi ngeni ei. Fonufan epwe eriaffou kemi. Nge oupwe chok epinukunuk! Ua fen okkufatiw fonufan" (John 16:33). Non an kapasen pwaratan ewe ennet, Linda S. Reeves, oruemon chon anisi non an Fin Anisi presentensi unusan, a apasa: "Ewe Samon a pwarata an chen ngeniei me a anisie pwe ai chou epwe pwas.

A anisie pwe upwe mefi watte kinamwe."²

Elter Richard G. Scott seni ewe Mwichen Engon me Ruemon Aposel a aiti: "Ewe neni mi och ren . . . kinamwe a nom non pwisin imwach, minne sia fori meinisin mi tufich pwe ewe Samon Jises Kraist a nom nukunapan."³

Pwan ekkoch Wokisin

Isaiah 9:6; Luke 2:14; John 14:27; 1 Nifai 13:37; Doctrine and Covenants 59:23

Seni ekkewe Pukfel

Isaiah a kapasen oesini ren usun uputiwen Jises Kraist, Noun Ewe Kingen Kinamwe (nengeni Isaiah 9:6). Non Merika, Samuel ewe Chon Leiman a porausen esinesin epwe fiti uputiwen Kraist nimu ier mwirin (nengeni Ilaman 14:3, 5). Nupwen ewe ran a oesini a kaneto, ekkewe chon rese nuku ra kapasen nieno meinisin ekkewe Chon Tapweno Kraist ika ekkewe esinesin rese

fis. Ewe soufos Nifai a "fakkun neuomong ne kokori ngeni ewe Samon non unusan ewe ran; iwe, ewe mongungun ewe Samon a feitiw ren a apasa: . . . sorotan upwe feitiw fonufan" (3 Nifai 1:12–13). Ekkewe esinesin ra pwa, me ren uputiwen Kraist, "aramas ra popueta ne nom non manau kinamwe me non fonuer we" (wokisin 23).

Non Bethlehem, Mary a "nouratiw noun we mwannichi, a tukumano non apan o a akonano non ewe neenien amongon man" (Luke 2:7).

ESINESIN

1. Quentin L. Cook, "Personal Peace: The Reward of Righteousness," *Liahona*, May 2013, 35.
2. Linda S. Reeves, "Claim the Blessings of Your Covenants," *Liahona*, Nov. 2013, 120.
3. Richard G. Scott, "For Peace at Home," *Liahona*, May 2013, 29.

Ekkieki Usun Ei

Non met sokkkun napanap ewe Chon Amanau a awora kinamwe ngeni manauom?